

山  
中  
一  
夕  
話

卓吾先生編次

微諷關雎

謝安夫人劉性忌。不令公有別房。公欲立茲。接  
兄子外甥輩。微達此旨。其向劉稱。關雎。鍾斯有  
不忌之德。夫人知以諷已。乃問誰撰此詩。衆云  
是周公。夫人曰。周公是男子相爲耳。若使周婆。

撰詩當無此言

公榮疎放

劉公榮與人飲酒。雜穢非類。人或譏之。答曰。勝公榮者不可不與飲。不如公榮者亦不可不與飲。是公榮輩者又不可不與飲。故終日共飲而醉。

李勣戲左司郎中臀

封道弘左司郎中。身大而臀潤。李勣戲曰。封公

汝臂坐得卽休何須爾許大。

娥秀妓聰慧過人

曹娥秀。京師名妓也。賦性聰慧。色藝具絕。一日  
鮮于伯機開宴。座客皆名士。鮮于因事入內。命  
曹行酒。道過公山。自內曹曰。伯機未飲。客笑曰。  
汝以伯機相呼。可爲親愛之至。鮮于佯怒曰。小  
鬼頭敢如此無禮。曹曰。我呼伯機便不可。却只  
許爾呼王羲之也。一座大笑。

鄭昌圖苦騎驢

鄭昌圖肥偉咸通中登第時以進士服用僭侈不許乘馬皆跨長耳或嘲之曰今年勃下盡騎驢短轡長鞦滿路衢清瘦兒郎猶自可就中愁殺鄭昌圖

王周二丞相嘲詈

丞相王導枕周伯仁謂膝指其腹曰卿此中何所有周曰此中空洞無物然容卿輩數百人

楊夫人送行詩

楊僕善詩。真宗召對。自言不能。上怪之。問行時亦有人作詩送卿否。楊曰。獨臣妻有詩一首云。更休落魄貪杯酒。亦莫猖狂愛作詩。今日捉將官府去。這回斷送老頭皮。上大笑放還。

尚書小字

陶尚書小字鐵牛。李濟嘗戲之曰。每至海濱。即思靈德。

賈盧隱嘲

賈黃中爲相盧多遜作參。一日府畿有蝗虫。盧笑曰。某聞所有乃假蝗虫。賈應聲曰。亦聞不傷稼。但盧多損耳。

方張脩對

方千里一日會張更生。方作一令戲曰。古人是劉更生。今人是張更生。手內執一卷金剛經。問爾是胎生。卵生。濕生。化生。張答曰。古人是馬千

果。今人是方千里。手執一卷刑法志。問爾是五千里。三千里。一千里。

滄浪捷口

潘滄浪者滑稽。坐有一人扣客姓字。客曰。僕姓陸。字伯陽。潘笑曰。齊景公有馬千駟。民無得而稱焉。六百羊直甚。負。

粟監爲判

景泰中。一粟監不學。判蘇州。誤寫石人爲仲翁。



滑稽者嘲之曰。翁仲將來作仲翁。只因書讀欠。夫工馬金堂玉如。何入只妒州蘇。作判通。

杜邠布袋

杜邠飲食洪博。既飽即寢。人諫非攝生之理。邠曰。君不見布袋盛米。即放倒即慢。

索飲被嘲

李觀字泰賢。而有文章。素不喜佛。不喜孟子。好飲酒。一日有達官送酒數斗。泰伯家釀亦熟。二

士人知其富有酒然無計得飲乃作詩數首罵孟子其一云完廩捐階未可知孟軻深信亦還痴獄翁方且爲天子女婿如何弟殺之李見詩大喜留連數日所與談莫非罵孟子也無何酒盡乃辭去旣而聞又有寄酒者士人再往作仁義正論三篇大率皆詆釋氏李覽之笑云公文采甚奇但前次被公吃了酒後極索寞今次不敢相留此酒以遣懷聞者大笑

硬妓

北都有妓女。美色而舉止生梗。士人謂之生張八。因府會。乞詩于處士魏野。野贈之詩曰。君爲北道生。張八我是西州熟。魏二莫怪尊前無笑語。半生半熟未相諳。座中大噱。

豪逸進士

郭震任介。皆豪逸進士。一日郭折簡召任。食晶飯。任往。乃設曰飯。孟白蘿蔔一碟。白鹽一碟。

蓋以三白爲鼎也。後數日。任復召郭食。毛飯。郭  
意必有毛物相戲。比至。並不設食。郭曰。何也。任  
曰。飯也。毛。羅蔔也。毛。鹽也。毛。只此便是。毛飯。大  
噤而別。毛去聲。俗呼無曰毛。

### 妻有三畏

裴談爲御史大夫。素奉釋氏。妻悍妬。談謂妻有  
可畏者三。少妙之時。視之如生菩薩。安有人不  
畏生菩薩耶。及男女滿前。視之如九子魔母。安

有人不畏九子魔母耶。及五十六十薄施粉。粉或青或黑。視之如鳩盤茶。安有人不畏鳩盤茶耶。

卿卿始自安豐婦

王安豐婦常卿卿。安豐曰。婦人卿卿。於禮爲不敬。後勿復爾。婦曰。親卿愛卿。是以卿卿。我不卿卿。誰當卿卿。卿卿王笑聽之。

孫放佳兒

庾爰客詣孫盛

字安國

見齊莊

諱放

在外尚幼而有

神意

庾試之曰孫安國何在

放曰庾雅恭

爰客父字

詩

家爰客笑曰諸孫太盛有如此兒放曰未若

諸庾鼎既而語人曰我故得重呼奴父也

### 邊孝先警門人

邊韶字孝先陳留浚儀人也以文學知名教授

數百人韶口辯曾晝日假臥弟子私嘲之曰邊

孝先腹便便懶讀書但欲眠韶辨聞之應時謝

曰。邊爲姓。孝爲中。腹便便。五經笥。但欲眠。思經事。寐與周公通夢。靜與孔子同意。師而可嘲。出何典。記嘲者大慙。

張憑祖孫善謔

張憑年數歲。極聰敏。其祖蒼梧。語憑父曰。我不如汝。憑父未解。所以蒼梧曰。汝有佳兒。憑斂手曰。阿翁。詎宜以子戲父。

太平宰相

康定中西戎寇邊。主師失律。當國一相。以老得  
謝。親知就第爲賀。飲酣自矜曰。某一山民耳。遭  
時得君。告老于家。當天下無一事之辰。可謂太  
平幸民也。石中立曰。只有陝西一。夥竊盜未獲。

目者目力

趙王李德誠鎮江西。有目者。目稱世人貴賤。一  
見輒分。王使女妓數人。與其妻滕國君同妝梳  
服飾。偕立庭中。請辨良賤。客俯躬而進曰。國君



頭上有黃雲羣妓不覺皆仰首曰。此是國君也。王悅而遣之。

### 賓主捷對

虞集未遇時。爲許衡門客。虞有所私。午後輒出館。許每往。不過病之。因書十簡云。夜夜出遊。知虞公之不可諫。虞回。卽對云。東鄰來撥。何許子之不憚煩。

### 陳蔡互詭

陳亞滑稽。一日蔡襄戲題曰。陳亞有心。終是惡。  
陳卽應聲曰。蔡襄無口。便成衰。

褚歸以破見擯

褚歸應治平中省試。有大舜善與人同賦。破領。  
云。道雖貫千萬世。善猶同于衆人。卒見黜。心甚  
不平。一友戲慰曰。公以尿確對油筒。宜見黜落。  
村學傳誤

曹元寵題村學堂圖云。此老方捫虱。衆雛爭射。

火想質訓誨間都都平丈我語雖可笑而曲盡社師之狀杭諺言社師讀論語郁郁乎文哉訛爲都都平丈我委巷之言習而不悟一日宿儒到社中爲正其訛學童皆駭散時人爲之語云都都平丈我學生滿堂坐郁郁乎文哉學生都不來曹詩蓋取此也

石動筭機辨

北齊高祖嘗宴近臣爲樂高祖曰我與汝等作

謎可共射之。卒律葛答。諸人皆射不得。或云是  
幌子箭。高祖曰非也。石動筭云。臣已射得。高祖  
曰。是何物。動筭對曰。是煎餅。高祖笑。動筭曰。射  
著是也。高祖又曰。汝等諸人爲我作一謎。我爲  
汝射之。諸人未作。動筭爲謎。復云。卒律葛答。高  
祖射不得。問曰。此是何物。答曰。是煎餅。高祖曰。  
我始作之。何因更作。動筭曰。承大家熱餅子。更  
作一箇。高祖大笑。高祖嘗命人讀文選。有郭璞

遊仙詩。嗟嘆稱善。諸學士皆云。此詩極工。誠如  
聖旨。勅簡卽起云。此詩有何能。若命臣作。卽勝  
伊一倍。高祖不悅。良久語云。汝是何人。自言作  
詩勝郭璞一倍。豈不令死。勅簡卽云。大家卽命  
臣作。若不勝一倍。甘心令死。卽令作之。勅簡曰。  
郭璞遊仙詩云。青溪千餘仞。中有一道士。臣作  
云。青溪二千仞。中有兩道士。豈不勝伊一倍。高  
祖始大笑。又嘗於國學中看博士孔子弟子達

者七十二人。動簡因問曰：達者七十二人，幾人已着冠？幾人未着冠？博士曰：經傳無文。動簡曰：先生讀書，豈合不解？孔子弟子已着冠有三十人，未着冠有四十人。博士曰：據何文以辨之？曰：論語云：冠者五六人，五六三十人也。童子六七人，六七四十二也。豈非七十二人坐中皆爲大悅？博士無以復之。

侯白令令宰狗吠

侯曰初未知名。在本邑。令宰初至。白卽謁。謂知  
識曰。白能令明府作狗吠。曰。何有。明府得遣作  
狗吠。誠如言。我輩輪一會飲食。若妄。君當輪。於  
是人謁。知識俱門外伺之。令曰。君何須得重來。  
相見。白曰。公初至。民間有不便事。望諮公。公未  
到前。甚多盜賊。請命各家養狗。令吠。自驚。庶賊  
盜止息。令曰。若然。我家亦須養能吠之狗。若爲  
可得。白曰。家中新有一羣犬。其吠聲與餘狗不

同曰其聲如何。答曰其吠聲恟恟者。今日若全  
不識好狗吠聲。好狗吠聲當作號號恟恟聲者。  
全不是能吠之狗。伺者聞之莫不掩口而笑。曰  
知得勝。乃云若竟如此能吠者。當出訪之。遂辭  
而出。

戲中榜末

王十朋正奏名第一。李三錫副奏名第一。時居  
榜尾者不樂。或戲之曰。舉頭雖不窺王十。伸脚



猶能踏李三

鴻漸懼內

安鴻漸滑稽而懼內。婦翁死。哭于路。其婦性素嚴。呼入總幕中。詰之曰。路哭何因。無淚。漸曰。以帕拭乾。婦曰。來日早臨棺。須見淚。漸自思計窘。來日以寬巾納濕綫于額上。大叩其額而慟。慟罷。其婦又呼入。詰之曰。淚出于眼。何故。額流。漸對曰。豈不聞自古云。水出高原。

成郎中催妝詩

成郎中爲省官。貌不揚而多髭。再娶之夕。岳母  
陋之曰。我女如菩薩。乃嫁一麻胡。命成作催妝  
詩。成乃搦筆書云。一床兩好。世間無好女。如何  
得好。夫高捲珠簾。明點燭。試教菩薩看麻胡。

丁稜筆聲

唐世進士及第。放榜訖。須謁宰相。其導詞答語。  
一出榜元時。盧肇首冠。有故不至。次乃丁稜稜。

口吃。迨引見致詞。意本言稜等登科。而稜頽然  
鞠躬。乃曰。稜等登。稜等登。竟不能發。其後語而  
罷。翌日友人戲之曰。聞君善箏。可得聞乎。稜曰。  
無之。友人曰。昨日聞稜等登。稜等登。豈非箏聲  
耶。

買履不自信

鄭有買履者。先自度其足而買之。及至市。得履  
乃忘度。急歸之。頃返市。罷。遂不得履。人問。不試

以足曰寧信度無自信也。

狄盧相謔

狄仁傑戲同官郎盧獻曰。足下配馬乃作驢。獻曰。中劈明公。乃成二犬。傑曰。狄字犬傍。火也。獻曰。犬邊有火。乃是煮熟狗。

盧延讓一生旂詩料

盧延讓業詩。二十五舉方登第。卷中有狐衝官道過狗觸店門開之句。租庸調張漕親見此事。

每稱賞之。又有賤猫臨鼠穴。嚙犬舐魚砧。句爲中書令成汭所賞。又有栗爆燒氈破。猫跳觸鼎翻。爲蜀王建所賞。盧謂人曰。平生投謁公卿。不意得力于猫鼠狗子也。人聞而笑之。

### 納聚監生

華車言三百兩也買得截然高言大帽也周子牕前言草滿腹包忽朝若遇高曾祖言考煥乎其有言文章也沒分毫。

懼內圖

有某平日懼內。與妻畫一喜神。懸之于壁。一日妻出。私以拳捶之曰。我喫你虧。我喫你虧。偶妻在後見之。喝云。你做甚麼勢。夫卽雙跪倒曰。我指這裡畫得像。那裡更畫得巧。

壯健馬

岐山王生。循故事納粟三千斛。授本州助教。以厚價市駿馬。騎乘每不愜意。醫工李生。故稱壯

健。以爲價賤。王怪問之。李曰。馱得三千石穀。豈非壯健耶。

死未足恨

葉衡罷相歸。一日病。問諸客曰。某且死。所恨未知死後佳否耳。一姓金士人曰。甚佳。葉驚問曰。何以知之。金曰。使死而不佳。死者皆逃歸矣。滿座皆笑。

陳子朝妾

吳給事女敏慧。後歸名儒陳子朝。陳惑一妾。遂染風疾。一日親戚來問。吳指妾曰。此風之始也。

李尚書故人子

周愿知江西鹽鐵。奸諂譖。嘗謁尚書李巽。適李有故人子亦來謁。落拓不事。李公遍問舊別墅及家童有技者。圖書有名者。悉云賣却。李怒責曰。郎君未官。家貧產業從賣。何至書籍古畫破除。久之復問曰。有一本虞永興手寫尚書在否。



其子不敢言實。不暫將典錢。愿忽言曰。此尚書大屯李。問曰。尚書何屯。愿曰。已遭弄典。舜典又被。此兒郎與之。李怒。顏大開。

### 焯炫兄弟

隋劉焯與弟炫。並有儒學。俱犯法被禁。縣吏不知其大儒也。咸與之枷。焯曰。終日枷中。坐而不見家。炫曰。終日負枷坐。而不見婦。

方朔大笑

漢武帝對羣臣云。相書云。鼻下人中長一寸。年百歲。東方朔在側大笑。有司奏不敬。方朔免冠云。臣不敢笑陛下。實笑彭祖。面長耳。帝問之。朔曰。彭祖年八百歲。果如陛下言。則彭祖人中長八寸。面長一丈餘矣。帝大笑。

李戴仁迂性

李戴仁性迂緩。娶閻氏。年甚少。與之。共室私約。曰。有與則見。忽一夕。閻氏扣戶。小豎報云。院君

欲見戴仁遽取百已曆燈下看之大驚曰今夜河魁在房不可行事傳語院君謝到閻氏慙而去。

### 妖賊大口

建平四年妖賊王始聚於太山自稱太平皇帝號父固爲太上皇兄休爲征東將軍弟爲征西將軍慕容德討擒之有人謂之曰何爲妖妄自貽族滅父及兄弟何在始曰太上皇蒙塵在外

征東征西。爲亂兵所害。如朕今日。復何聊賴。其妻趙氏怒曰。君止坐此。口以至死。如何猶自。不革。始答曰。皇后不達天命。皇古迄今。豈有不亡之國哉。

### 盛度胖體

盛度體豐肥。一日自殿前趨出。宰相在後。盛初不知。忽見。卽欲趨避。行百餘步。乃得直舍。隱於其中。學士石中立見其喘甚。問之。盛告以故。師

曰相公問否。盛曰不問。別去十餘步乃悟。罵曰。奴乃以我爲牛。

張由古之博學

張由古有吏才而無學術。累歷臺省。嘗於衆中嘆班固字孟堅有大才而文章不入選。或謂之曰。兩都賦燕山銘並入文選。何爲言無。由古曰。此是班孟堅文章。何關班固事。

陳東權州事

原缺

卓吾先生編次

笑笑先生增訂

哈哈道士較閱

僧哥

昔一僧在歐陽公坐上見公家小兒有小名僧哥者戲謂公曰公不重佛安得此名公笑曰人家小兒要易長育往往以賤物爲小名如狗羊牛馬之類是也聞者莫不絕倒。

畏婦變羊

京邑有士人聶其婦大妬忌於夫小則罵詈大必捶打常以長繩繫夫脚有喚便牽繩聶密與巫姬爲計因婦眠入厠以繩繫羊聶緣牆走避婦覺牽繩而羊至大驚怪召問巫巫曰娘積惡先人怪責故郎君變成羊若能改悔乃可祈請婦因悲號抱羊慟哭自咎悔誓巫乃令七日齋舉家大小悉避於室中祭鬼神師祝羊復還本



形。聶徐徐還婦見聶啼問曰。多。小作。羊。不。乃。幸。  
苦耶。聶曰。猶憶噉草不美。腹中痛耳。婦愈悲哀。  
後復如忌。聶因伏地作羊鳴。婦驚起。徒跣呼先  
人爲誓。於是不復敢爾。

侯白雅謔

侯白好俳謔。一日楊素與牛弘退朝。白語之曰。  
日之夕矣。素曰。以我爲牛。羊下來耶。

義方妻僧詩消白晝

許義方妻劉氏以端潔自許義方嘗出經年始  
歸語妻曰獨處無聊得無與鄰里親戚往還乎  
劉曰自君之出足未嘗履閭義方咨歎不已又  
問何以自娛答曰惟時作小詩以適情耳義方  
欣然索詩觀之開卷第一篇題云月夜招鄰僧  
閒話

張丞相草書

張丞相好草聖而不工一日得句索筆疾書滿

紙龍蛇飛動使其姪知之當波險處姪罔然而止執所書問曰此何字丞相熟視久之亦不自識詎其姪曰胡不早問致吾忘之

### 曼卿墮馬

石曼卿善戲嘗出遊報寧寺馭者失控馬驚曼卿墮馬徐着鞭謂馭者曰賴我是願學士若瓦學士豈不跌碎乎

元帝笑洪喬之謝

元帝皇子生。普賜羣臣。殷洪喬謝曰。皇子誕育。普天同慶。臣無勳焉。而狼顧厚資。帝笑曰。此事豈可使卿有勳邪。

### 劉伶詛飲

劉伶病酒。渴甚。從婦求酒。婦捐酒毀器。涕泣諫曰。君飲太過。非攝生之道。宜斷之。伶曰。甚善。我不能自禁。唯當祝鬼神。自誓斷之耳。便酹酒。肉婦曰。敬聞命。供酒肉於神前。請伶祝誓。伶跪。

而祝曰。天生劉伶。以酒爲名。一飲一斛。五斗解醒。婦人之言。慎不可聽。便飲酒進肉。隄然已醉矣。

袁正辭志在益錢

袁正辭積錢盈室。室中堂有聲如牛。人以爲妖。勸其散積。以穰之。正辭曰。我聞物之有聲。求其同類耳。宜益以錢。聲乃止。

張思光誤謂尚書

張思光欲詣吏部尚書何戢。誤通尚書劉澄融。  
下車入門曰。非是。至戶外。望澄。又曰。非是。既造。  
席視澄曰。都自非。是乃去。

### 婁師德叱庖人

婁師德好譖。謔則天朝大禁屠殺。師德因使至  
陝。庖人進肉。師德曰。何爲有此。庖人曰。豺咬殺  
羊。師德曰。豺大解事。又進鱸。復問之。庖人曰。豺  
咬殺魚。師德大叱之曰。智短漢。何不道是獺。遂

不食

虞嘯父獻替

虞嘯父爲弇武侍中。帝問曰。卿在閣下。初不聞有獻替。虞家富近海。謂帝望其貢獻。對曰。天時尚暖。蟹魚鰕鮓未可致。尋有所獻。帝撫掌大笑。

正德認水厄爲水難

蕭正德初入北。侍中元義欲爲設茗。先問正德。卿於水厄多少。北人謂茗飲爲水厄。亦云。正德初不知客。

云下官雖生水鄉立身以來未遭陽侯之難舉  
坐大笑

### 思光兄弟

張思光與弟寶積俱詣太祖。思光於御前放氣。  
寶積謝曰。臣兄觸忤宸扆。上笑而不問。須臾食  
至。思光排寶積不與同食。上曰。何不與賢弟共  
食。思光曰。臣不能與謝氣之口同餐。

### 邵李的對



邵康節赴河南尹李君錫會。投壺。君錫未箭中耳。君錫曰：「偶爾中耳。」康節曰：「幾乎敗壺。」坐客以爲的對。

閔氏遠姓

梁何昌寓爲吏部尚書。有姓閔求官者。昌寓問曰：「君是誰？」後荅曰：「子騫後。」昌寓掩口笑曰：「遙遙華胄。」

男子魔

諸葛令女庾氏婦。既寡。誓不復重出。此女性甚正。必無有登車理。恢既許。江彪婚。乃移家近之。詎女云宜徙。於是家人一時去。獨留女在後。比其覺。已不復得出。江郎暮來。女哭罵彌甚。江觀其意。轉帖乃詐。麗良久不寤。聲氣轉急。女乃呼婢云。喚江郎。覺江於是躍來。就之曰。我自是天下男子。魔何預卿事。而見喚邪。女默然而慚。情義遂篤。

艾子四臟

艾子好飲少醒。門人謀曰。此未可以舌爭。宜以險事怵之。一日大飲而寢。門人密袖弄臍道。臍中持以示曰。凡人具五臟。今公因飲而出一臟矣。何以生邪。艾子熟視曰。唐三藏尚活。世况四臟乎。

製餛飩法

喬仲山官吏部郎中。好古博雅。仍喜諧謔。家製

倪餽得法。每苦賓朋索食。一日於食客前。先各置一帖。且戒云。食畢展卷。既而客視。乃製造餽餽方法也。自後無復索者。

### 巢山進士

郭昱。狹中詭僻。登進士。恥赴常選。獻書於宰相趙普。自比巢山。朝議惡其矯激。故久不調。後復伺普望塵。自陳。普笑謂人曰。今日甚榮。得巢山拜於馬首。

宋郊弟兄答語

宋郊居政府。上元夜在書院內讀周易。弟學士  
宋祁點華燈。擁歌妓。醉飲達旦。翌日郊令人謂  
讓云。相公寄語學士。聞昨夜燒燈夜燕窮極奢  
侈。不知記得那年上元同在州學喫齋煮飯時  
否。祁答曰。却須寄語相公。不知那年在州學喫  
齋煮飯是爲甚的。

江浚打和尚

殿中丞丘浚謁釋珊。珊殊傲。頃之有州將子弟來謁。珊降階接之甚恭。丘不能平。問曰。和尚接浚甚傲。而接州將子弟。乃爾恭耶。珊曰。接是不接。不接是接。浚勃然起。杖珊數下。曰。和尚莫怪。打是不打。不打是打。

### 李福畏妻腹痛

李福妻裴氏。性如忌。福欲私一女奴而未果。因囑裴之左右曰。設夫人沐髮。速來報我。既而果

有以沐髮來告者。福卽詐言腹痛。且召其女奴  
往左右告。裴裴以爲信。然出髮盆中。跪問。福旣  
業以疾爲言。卽若有不可忍狀。裴極憂。以藥投  
重溺中。進之。明日監軍使及將校悉來候問。福  
具以事告。因曰。一事無成。因常有分所。苦者施  
咽一甌。溺耳聞者大笑。

優人諧戲

優人李可及善諧戲。嘗因延慶卽船簪講誦畢。

次及優倡爲戲。可及褒衣直帶。攝齋升座。稱三教論衡。一人問曰。旣言博通三教。釋迦如來是何人。對曰。婦人問者。驚曰。何也。曰。金剛經云。趺坐而坐。非婦人何須夫坐。然後兒坐也。又問太上老君何人。曰。亦婦人問者。曰。何也。曰。道德經云。吾所大患。以吾有身。及吾無身。吾有何患。非婦人何患于有娠乎。又問文宣王是何人。曰。亦婦人問者。曰。何也。曰。論語云。沽之哉。沽之哉。我



待賓者也。非婦人奚待媒。爲士女悅。厚賜之。

### 房夫人

房玄齡夫人至妬。太宗令皇后有夫人告以勝妾之流。令有常制。帝欲有所賜。夫人執心不起。帝遣酌卮酒恐之曰。若然可飲。此醜夫人一舉便盡。無所留難。帝曰。我尚畏見。何況于玄齡。

### 令史數驢罪

有御史臺令史將入室值。乘行御史數人聚立。

門內令史下驢衝過諸御史怒將杖之令史云  
今日之過實在此驢乞先數之然後受罰御史  
許諾令史指驢曰汝伎藝可知精神極鈍何物  
驢畜敢干御史裏行眾笑而止

子瑜以面得驢

諸葛子瑜諱瑾父面長似驢孫權大會羣臣使人  
牽一驢入題其面曰諸葛子瑜時恪在坐請筆  
益兩字于下曰之驢舉坐歡笑權以驢賜恪

劉姬相嘲

劉道真嘗與一人共索杆草中食。見一姬將兩兒過。並青衣。劉調之曰：「青羊。」將兩羔。姬答曰：「兩猪。」共一槽。

刁韓善謔

刁葵于桓公坐。嘲韓博曰：「君是韓盧後。」博誤應曰：「卿是韓盧後。」桓公笑曰：「葵以卿姓韓。故相調耳。他自姓刁。那得復是韓盧後？」博曰：「明公未之。」

思耳短尾者則爲刁也。一坐稱佳。

阮孚機辨

阮孚性機辨。好酒。貌短而禿。周文帝偏所愛重。常于室內置酒十瓶。瓶大一斛。上皆加帽。欲以戲孚。孚入室見卽驚。喜曰。吾兄弟甚無禮。何爲入王家。匡坐相對。宜早還宅。盡持酒去。文帝大笑。

門人還譌文公

楊文公嘗戒門人爲文宜避俗語旣而公自作表云伏惟陛下德邁九皇門人鄭戩曰未審何時得賣生菜公笑而易之以九皇音類非黃

### 大小髡孫

孫華嘗從劉真父乞墨吏誤送孫巨源劉讓之吏曰皆孫姓而同爲館職莫能別劉曰何不然其髡爲別吏曰皆髡而莫能別劉曰旣皆髡何不以身之大小爲別於是館中以華老爲大髡

孫學士巨源爲小駟孫學士。

貢父戲馬默。

馬默爲臺官嘗彈奏劉貢父輕薄不當置在文館劉曰旣云馬默豈合驢鳴。

李彥古謁刺。

王僧彥朝奉郎父名師古嘗自呼硯爲墨池鼓爲皮柶人或誤犯輒以他事中之知嶺南郡有李彥古者過郡請謁遂題刺云永州司戶叅軍。

李惠池皮棚謹祇候恭僧彥大喜示其子弟曰  
奉人當如此矣

禹玉贈介甫虱頰

王介甫王禹玉同在相府同侍朝見虱自介甫  
襦領而上直緣其鬚上顧之而笑介甫不自知  
也朝退禹玉指以告介甫介甫命從者去之禹  
玉曰未可輕去願獻一言以頌虱之功介甫曰  
如何禹玉曰屢撻相鬚曾經御覽衆大笑

王雱答獐鹿

王雱數歲時客見一獐一鹿同籠因問何者是獐何者是鹿雱實未識對曰獐邊是鹿鹿邊是獐客大奇之

傅正無心絕慾

蒲傳正知杭州有術士請謁年踰九十而有嬰兒之色傅正接之因訪以長年之術答曰其術甚簡惟絕色慾耳傅正良久曰若然則壽雖千



歲何益

貢父隱嘲諸帥

劉貢父爲中書舍人。一日朝會。幙次與三衛相  
隣。時諸帥兩人出一水晶茶盃傳玩良久。一帥  
曰。不知何物所成。瑩潔如此。貢父隔幙戲云。諸  
公豈不識此。乃多年老冰耳。兵冰同音

侍郎御史

正統中有一侍郎與一都御史同飲。適有大繞

卓行左右叱之侍郎云休叱他。在這裡巡按都御史答云。你看他是狗也是狼。

許敬宗誕傲

許敬宗性輕傲。見人多忘之。或病其不聰。許曰。卿自難記。若遇何劉沈謝。暗中摸索着。亦可識釀具淫具。

蜀先王常因旱禁釀酒。吏于人家索得釀具。欲令與釀酒者同罪。時簡雍從先王遊。見一男子。

行道謂先王曰。彼人欲行澤。何以不縛。先王曰。卿何知。雍曰。彼有澤。具與釀具同。先王笑。命原欲釀。

都憲通政寓嘲

侶鍾都憲與強珍通政在南都同飲。強自執壺勸侶酒曰。要你飲。四鍾侶急應曰。你莫要強斟。貢父戲嘲決湖。

王介甫爲相。大講天下水利。一人獻策曰。決梁

山湖八百里水以爲田其利大矣介甫喜甚。沉思曰策固善決水何地可容。劉貢父適在坐徐曰自其旁別鑿八百里湖則可容矣。介甫笑而止。

園外郎

石中立員外嘗與同列觀上南園所蓄獅子。王者曰縣官田破肉五斤飼之。縣尉曰吾儕反不及此獅子。石曰然。吾輩官皆員外郎敢比園肉。

猶子乎衆大笑

文舉巧捷

孔文舉年十歲隨父到洛時李元禮有盛名爲  
司隸校尉詣門者悉及中表親戚乃迎文舉至  
門謂吏曰我是李小君親既通前坐李問曰君  
與僕有何親對曰日先人仲尼與君先人伯陽  
有師資之親是僕與君奕世爲通好也李及賓  
客莫不奇之大中大夫陳韙後至李以其語語

之陳曰。小時了了。大未必佳。孔曰。想君小時。必當了了。陳大踧踖。

晉文戲鄧艾

鄧艾口吃。語稱艾艾。晉文王戲之曰。卿云艾艾。定是幾艾。對曰。鳳兮鳳兮。故是一鳳。

盧狀元催妝詩

盧儲投卷謁李翱尚書。李長女及笄。見文尋繹。數四曰。此人必爲狀元。公問。乃慕爲婿。來年果

狀元及第徑赴伊蒲廬作催妝詩曰昔年遊  
玉京遊第一仙人許狀頭今日已成秦賀賀  
教鸞鳳下妝樓

### 玄祖齒缺

張玄祖八歲齒虧先達知其不常戲之曰君口  
復何爲狗竇答曰正使君輩從此中出

### 瞿痴

瞿泉字炳賜自號醉漁常熟五獮人畫花鳥

名盧雁入高品。嗜酒落魄。喜謔。人呼爲瞿痴。  
偶入邑城。遇一縣吏。手携海螵。吏與瞿素習者。  
吏遽呼曰。瞿痴。自負詩才。能頃刻咏海螵一首。  
乎。瞿卽口占曰。海錯何曾數着君也。隨盤饌入。  
公門。千呼萬喚。不肯出。直待臨時敲窟臂。蓋常  
熟市井。春間食海螵者。必先敲開其尾。故用以  
謔。吏云。